

Yr Athro Wendy Larnier
Llywydd ac Is-Ganghellor, Prifysgol Caerdydd

17 Chwefror 2025

Cais i ymddangos gerbron y Pwyllgor

Annwyl Athro Larnier,

Fel Pwyllgor y Senedd sy'n gyfrifol am graffu ar bolisi a deddfwriaeth sy'n ymwneud ag addysg, rydym wedi cymryd diddordeb mawr yn eich datganiad dyddiedig 28 Ionawr¹ a'r ymateb i'r datganiad hwnnw gan wahanol randdeiliaid. Nodwn fod y cynigion a gyhoeddwyd ar 28 Ionawr yn destun ymgynghoriad ffurfiol 90 diwrnod. Rydym hefyd yn nodi eich bod yn rhagweld y bydd y cynigion penodol yn cael eu mireinio a'u datblygu dros y 90 diwrnod nesaf o ganlyniad i'r broses ymgynghori honno.

Gofynnwn felly i chi ymddangos gerbron y Pwyllgor i roi tystiolaeth gyhoeddus yn fuan ar ôl i'r ymgynghoriad ffurfiol ddod i ben. Hoffem drafod y camau a arweiniodd at eich cyhoeddiad ar 28 Ionawr gyda chi, y pryderon a godwyd gan amrywiol randdeiliaid mewn perthynas â'ch cynigion, a sut mae y cyfnod ymgynghori wedi llunio'r cynlluniau terfynol, yr ydych yn rhagweld y byddant yn cael eu cymeradwyo gan Gyngor y Brifysgol ym mis Mehefin 2025.

Rydym yn cynnig sesiwn dystiolaeth awr o hyd naill ai ddydd lau 1 Mai neu, ddydd Mercher 14 Mai. Cysylltwch â'n clercod cyn gynted â phosibl i gytuno ar amser a dyddiad os gwelwch yn dda.

Yn y cyfamser, byddem yn ddiolchgar pe gallech ymateb yn ysgrifenedig i'r cwestiynau a nodir yn Atodiad A, a hynny erbyn dydd Gwener 21 Mawrth fan bellaf. Bydd eich ymatebion yn helpu i lywio ein dealltwriaeth o gyd-destun eich cyhoeddiad ar 28 Ionawr, a sicrhau bod ein trafodaethau yn y Pwyllgor mor adeiladol â phosibl.

¹Diogelu ein Dyfodol Academaidd', 28 Ionawr 2025



Yn gywir,



Buffy Williams AS
Cadeirydd

Croesewir gohebiaeth yn Gymraeg neu Saesneg.

We welcome correspondence in Welsh or English.



Senedd Cymru
Welsh Parliament

Atodiad A: Cwestiynau ar gyfer yr Athro Wendy Larnier am y newidiadau arfaethedig ym Mhrifysgol Caerdydd

A fyddech cystal â darparu'r canlynol i'r Pwyllgor:

- trosolwg o'ch asesiad o'r heriau ariannol sy'n wynebu Prifysgol Caerdydd, gan gyfeirio at ddata allweddol sy'n ategu eich newidiadau arfaethedig (e.e. niferoedd myfyrwyr presennol a niferoedd y gellir eu rhagamcan, cyfraddau manteisio, lefelau cronfeydd wrth gefn Prifysgol Caerdydd, ac ati);
- manylion unrhyw bolisiau penodol ar lefel Llywodraeth Cymru neu Lywodraeth y DU sydd wedi effeithio'n sylweddol ar allu Prifysgol Caerdydd i weithredu'n gynaliadwy;
- y newidiadau sydd eisoes wedi'u gwneud yn y blynyddoedd diwethaf gennych chi neu eich rhagflaenwyr i liniaru effaith yr heriau ariannol sy'n wynebu Prifysgol Caerdydd;
- eglurhad o'r rhesymeg ar gyfer pob un o'r cynigion allweddol a nodir yn eich datganiad ar 28 Ionawr, gan gynnwys, a yw'r cynnig wedi'i wneud yn gyfan gwbl am resymau ariannol neu resymau eraill hefyd;
- yr arbedion cost disgwyledig sy'n gysylltiedig â phob un o'r cynigion allweddol fel y nodir yn eich datganiad ar Ionawr 28;
- rhagor o fanylion am yr hyn a fydd yn digwydd ar ôl i'r ymgynghoriad ddod i ben a'r amserlenni cysylltiedig (gan gynnwys sut y bydd yr ymatebion i'r ymgynghoriad yn llunio'r cynlluniau terfynol, a phryd y caiff y cynlluniau terfynol hynny eu drafftio); ac
- unrhyw wybodaeth arall y teimlwch sy'n berthnasol i'r cyhoeddiad a wnaed ar 28 Ionawr.